

馬石田文集卷第十一

碑誌

皇元勅贈贈林學士杜文獻公神道碑

相之安陽縣王裕里有處士杜維山之墓既葬之六十
六年當天曆己巳皇贈處士官翰林學士階資德大夫
勳上護軍爵魏國公謚文獻越六年元統甲戌皇又詔
臣祖常製其墓之碑臣彛書其碑之字以賜其曾孫臣
彛彛使刻臣受詔按監察御史臣蘇天爵序公言行之
狀為文曰公諱瑛字文玉其先霸州人金將亡士少識
時變猶以業文辭規進取而公獨自霸州之信安辟地

河南緱氏山中於天下書靡不讀、靡不記亦靡不見其旨趣上下今古於得失否臧之悉靡有不究其心皆無兼一作衆人之存而若有待於世金亡顛額暴嵬畝仕者鹿兔赤血氣不得寧而公獨間闕轉徙以詩書從容授徒汾晉間故中書粘合珪開府于相以書幣聘公至獨教以緩刑薄歛廣學內士興滯補弊以脩扞其民而卒以基平宗之業會國朝歲己未世祖觀政江南至相召公問計公對以謂漢唐以還天下之趨舍安危顧法與食與兵三者而已國無法不紀人無食不命亂無兵不守三者君之恃也今宋蔑之殆將亡矣以宗之將亡

而興之在聖主天命必得今若控襄樊之師安戈下游以擣其背而無縮於銳是縣車束馬而大業定矣更勸上數事以為事不爾後當如此上內之心賢公謂可屬以大用既皆如所云江南平即使、至相徵公聞王文統當國輒引避使索不見近臣奏起公為大名彰德懷孟等路提舉學校官辭不就或踰使仕則曰後之世雖去古之世遠而先王之所以設施制度其本末先後未嘗有異也今不能因天下之哀苦以變更後世之弊政以趨合先王之意勞焉而已其勢豈易易下易一作易復古哉吾又不能窺時僥仰以赴機縈之會仕矣從孟於是

杜門謝客著書窮學於世之貴富賤貧一無所動其心以優游厭飫於道藝以終其身以歿嗚呼公之言若此其尤可以窺公之志也其所著有春秋地里原委十卷語孟旁通八卷皇極引用八卷皇極疑事四卷極學十卷律呂禮樂雜說三十卷其大畧不以一身之窮而亡天下之憂以為不見其志於行事則將文以發其意文不克用於時則將以乘諸人後之人用吾言焉吾固不窮也公所為作之意若此公之志可知矣始公之學也有所待而迄不得一施以止蓋亦遊世而不悔者歟其志若此其仕不至于耽祿而弊時審矣惜公之去而不

試于事也公氣貌魁偉義氣儼望之儼然海嶽器也既家於相中書畀以相之良田千畝不受術者言公居屋下當有黃金家人欲發視公斥止之公去居者果得金百斤觀公之存於二事之廉若不足數然公之歿也既久其大者漸以無傳則其小者亦不得而畧也公以至元十年九月十六日終于家壽七十終之日命諸子曰既死當題我曰處士杜縉山墓今首之碑從公志也公曾王父信王父植父時外母人氏配孫氏後公九年卒祔公墓子男三人處思甫冠卒處立郡文學處愿終東昌路推官有惠政女適李人孫男又三人曰愚以子秉

彝貴封奉議大夫樞密院判官駙騎尉安陽縣子曰堅
曰欽皆為士曾孫七人秉彝秉鈞秉直秉讓秉容秉一
秉德曾孫女二人涇漳嗚呼公之事遠矣故雖詳公之
言而所次止此然亦此而公之為人可見則亦豈得為
畧哉秉彝由丞相掾為奎章閣典籤時與備大典嘗錄
公之事以送太史今拜陝西行臺御史而天子又賜公
之碑以往焉相人見秉彝之來必曰是魏公厚積之貽
一作有曾孫賢其將大未艾則不寧公有榮也秉彝亦
賢後嗣哉我國家褒卹寵嘉之意蓋亦有徵矣故臣取
其尤可以傳後世者序之而為銘曰

明世后皇聞于天我征徂南捷其陳建我干旄于涇
之濱遑脂我車軌蒲般魏公在野誰遠與謀學以待
世靡恫靡懼維世后聖聘公于遺后曰公賢庶幾其來
南國之痛我恭天紀鳳鳴在雲魚泳于記憶臣同盡
瘁以仕矧是藝哲寧不我有公拜稽首匪臣有辭降極
瘼矣民殫胥疲誰唁臣者而出位思大德受命昭假靡
遲在昔帝者監觀萬國法與食兵蒸民孔極宗嘻蔑矣
孰其可違帝御六師以匡不獲同我髦士簡我戎行鈞
援戟鏃以臨樊襄勿進而持勿惡于揚鏹其餒俘涉自
漢陽肅行騎翼咸與之位一作后納公言試靡有忒大

命甫集偃我于革東帛諸公謂公來即彼何人斯公胡
罔懌皎々白駒在彼空谷考蔡朝誣願言韞匱雖則韞
匱懋勳有俟完歸壽考以終後祿公在亂離人知書詩
公發帛書乃合天時有炳其云有鬱其間機緘辟露後
公之文公生靡崇歿有多祀兆相之交從以孫子既六
十年樹石墓趾天子之賜曾孫之美曾孫之美追榮孔
多有列群猷公延余那哀如之何矢詩不磨

翰林學士元文敏公神道碑

有元古文之宗曰翰林學士清河元公以至治二年壬
戌二月七日薨于位葬而墓碑未刻其長子奉議大夫

同知峽州路事晦又死次子嵩七歲一女病而不嫁一
孫尚乳也夫人清河郡夫人李氏累然抱其孫僦舡歸
清河織紵以居賓客僚隸皆四散無一人顧之者獨其
友玄教太宗師吳全節謂馬祖常曰清河公以文起家
可謂貴顯光榮矣而其葬之後無碑以載其官閥世次
行事之實尔宜為文我求善楷書者鬻石以刻馬祖常
曰嗟乎世之士一得志則攘袂於所親一不得志褫魄
若不能生者比々也今子託跡老氏而以禮義之事振
吾徒何能多言以飾塊哉謹按公諱明善字復初資穎
悟絕出讀書目所過即記講經皆有師法尤深于春秋

稱寇遊吳中奮一作宋金季世之習已名能古文流傳
江淮間浙東路部使者薦之行省辟正安豐學再正建
唐路學居歲餘行樞密院辟充令史故辨章董公士選
實僉院事敬之如賓不以曹屬御之也董公遷江西行
省左丞復羅致之省中會贛賊劉貴反從左丞將兵討
之擒賊三百人議緩誅誤得全活者百三十人又將斬
一賊命公臨斬左丞曰掾儒生能臨斬乎當震怖矣終
刑已色不變將佐白宜多戮人及尸一切死者用張軍
聲公固爭以為王者之師恭行天罰若等小賊跳梁殺
其渠魁耳餘何辜焉賊貴盜書民丁十萬於籍有司喜

欲殺之公夜置火籍藁中焚之以滅跡贛吉遂安南行
臺聞之亦辟為掾未幾進登仕佐郎樞密院照磨轉中
書省左曹掾曹無留事坐誣免不辨僑寓淮南文學益
肆頃之坐誣事明復掾省曹至大戊申我仁宗皇帝養
德東宮左右文化選天下髦俊之士列在宮臣公首被
簡授承直郎太子文學仁宗即皇帝位遷翰林待制
承直郎兼國史院編修官與修成廟實錄加奉議大夫
是年陞翰林直學士朝列大夫知制誥同修國史有詔
命節書文譯其闕政要者以進公請與宋忠臣子集賢
直學士文陞同譯潤潤一書成每奏讀一篇上必善之

曰二帝三王之道非卿莫聞也太皇太后既受尊號朝堂集議宜赦公曰數赦非善人福宥過可也乘傳出賑山東河南饑彭城下邳諸州連數十驛保馬民饑官無文書公專以鈔萬二千錠分給之民免死徙皇慶壬子修武宗皇帝實錄明年遷翰林侍讀學士中奉大夫預議科舉服色延祐乙卯國家始策試士子選充考官廷對又充讀卷官迅筆詳定試卷數語辭義咸妥曲精盡他人杼思者不及也改禮部尚書正孔氏宗法以五十四世孫思晦襲封衍聖公事上制可之叅議中書省事毗贊良多知戊午貢舉復入翰林為侍讀學士通奉大

夫歲終拜湖廣行省叅知政事便道過家上冢鄉之民老子弟迎謁勞問禮意周洽庚申英宗踐祚徵入為集賢侍讀學士召至上都議廣廟制授翰林學士資善大夫修仁廟實錄百官迎仁廟聖容云有卿雲見承詔為文以紀之賜酒加賞英宗親裸太室禮官進祝冊奏請署御名上命代書者三眷遇褒優近世無有也既薨之三月歸葬于清河王家原之先塋西三里泰定間得請于朝贈資善大夫河南江址等處行中書省左丞追封清河郡公謚文敏曾祖諱興不仕曾祖妣楊氏二世以下皆以公貴祖諱海贈嘉議大夫秘書卿上輕車都尉

追封清河郡侯謚貞惠祖妣高氏追封清河郡夫人考
諱貢將仕佐郎同管勾芦漭鹽場贈中奉大夫吏部尚
書護軍追封清河郡公謚孝靖妣弭氏追封清河郡夫
人元氏蓋拓拔魏之苗裔南北轉徙不知所系家清河
者至公四世矣享年五十有四其文有賦五詩凡一百
六十三銘贊傳記五十九序三十雜著十五碑誌一百
三十出入秦漢之間本之于六經以涵泳以膏澤參之
于諸子百家以騁其辨刻而不見其迹新而必自巳出
蔚乎其華敷鑄乎其古聲倡古學于當世為一代之文
宗者柳城姚燧暨公而已信乎其必傳也雖然才用而

未盡積厚而施寡微之于天其善後也無疑祖常景從
公游及公考士又序第下列義當銘之曰

於維公文益古立大沛厥濟世莫瓊震聲曠力不克
蜚聲天衢名幾之位臻公卿發軔跡蘊而不施用弗極
神祀其馳學廼碩天藻披絳塚圭璧五十四年反玄宅

集賢直學士貢文靖公神道碑銘

天曆二年十月朔旦集賢直學士貢公歿于家越五年
為元統甲戌其子師謙來官京師以公之行治泣請于
朝天子贈公翰林直學士太中大夫輕車都尉追封廣
陵郡侯謚曰文靖集賢直學士又奉詔令臣考公族世里

居官次蹟業之實賜師謙以刻于石以寵賚貢氏之家
以勸朝著師謙知臣于其父宥有好也迺錄翰林修撰
臣李勣編緝之狀授臣曰先臣之生其有所自立其流
聲美於人其可以傳世而善後者孤不敢贊已維墓有
碑實後嗣所以紀先人之德而飾其千百世子孫于無
窮者今幸得以承聖天子明詔以請焉其足以稱碑辭
而無慙者公幸張之臣叙曰公姓貢氏諱奎字仲章其
先大名蒲城縣人七世祖文以武德大夫扈宗渡江
繇鍾陵徙居宣城之南湖曰家焉曾王父大用王父應
寔宗承節郎以公貴贈中順大夫禮部侍郎上騎都尉

追封廣陵郡伯妣黃氏廣陵郡君父士濬累贈亞中大
夫秘書太監輕車都尉追封廣陵郡侯甫冠以詞賦試
漕司中程明年黜於儀曹即自訟曰學之時其道未足
以為己志己在於為人亦可謂謬用其心矣謬用其心
雖有志於為人其能乎哉乃力自學行詠歌息偃以忘
其年視世俗之好無足累心者獨愛公甚於他子曰三
郎和易端厚穎悟若過人者吾世有蘊德發必在是兒
也公年十歲輒能屬文已有聞於人及壯讀書并日夜
忘寢食於經子史傳無所不治於其章義辭句類數名
制委曲纖妙無不究詣於文章辨議閑放儁偉不狃卑

近必以古為趨故出而名振江之南初被湘省檄為池
州齊山書院山長於更謁選吏部時天下久平大臣常
欲引海內儒學之士聚之館閣所以長養其才而待上
之用公亦欲以功名自顯果於自立故不為非常苟易
之節而清約一作宏博之譽大夫士翕稱之大德六年
中書奏授公太常奉禮郎兼檢討上書言先王之制禮
雖節文有經而本誠貴質惟不蔽於禮之文而得禮之
意則可以對越而無慚不然煩為之節無益也朝廷多
採其議九年遷翰林國史院編修官至大元年轉應奉
翰林文字階將仕郎預修成廟實錄丁秘書府君艱比

京師至家毀瘠枵然言不能聲太夫人見之曰尔嗣業
於祖從事於朝少而學壯而仕父母曰是將大吾家隣
曲曰是能華吾鄉宗人朋友之望亦猶是也尔父不幸
死喪不有中制耶晚有不諱非孝也始勉之粥食以自
強嗇延祐元年服闋起除承事郎江西等處儒學提舉
明年就官見列械署庭胥旁午走繫數人立吏持牘詢
公署曰是學校吏報事愆期者公斥之曰金穀勾稽狂
狴木索戕有司事耳吾以天子命提舉儒學教吾職也
刑矣以為恚命釋繫以械屬縣官大書其坐之屏曰讀
書之中日有其益飲水之外他無所求與諸生誦說文

義為師弟子揖讓周旋日匡坐堂上人見其色和其容
謹其言繹々有理輒退而魚處聞其戰味之音若程工
督計者故士之屢恒滿戶外其及門者亦進不急以止
五年遷翰林待制預修仁廟實錄書成特賜金帛有差
至治元年謁告歸里第與兄仲堅甫奉太夫人以居歛
氣下聲昆弟相顧白首怡然鄉人皆樂與從之游至於
羈旅客其歸之者無不厭其意公於接之雖勤未嘗
見懈色於資之衣食給物雖頻未嘗有所吝惜太夫人
病竟夕立床第前聞太夫人嘆息之出輒倚氣喘戚若
以身代然者泰定元年太夫人卒三年復起公為翰林

待制進承直郎四年秋七月集賢直學士奉訓大夫
秩從三品天曆元年文宗即皇帝位冬十月上親祝香
幣命公往祠北岳淮濟南鎮二年春還自會稽涉吳中
以疾歸卧於家至十月朔謂其姪師文曰吾夢夜賦詩
有云竹樹蕭々夾泉石又云九轉丹成生羽翼不祥耐
何語竟漉然以歿公有智識度量人不見其崖涘凡再
與卿試文衡一為廷對讀卷官所取士多知名于時其
所第甲乙人咸服其平允其為天子代祠之使者再其
攝大禮使侍天子裸太室者一皆肅恭靈神虔致上意
為使而不疲於貨賄不煩於有司攝官而竣事無違禮

是皆公行之微而世亦不能及也然公負有為之志不
得盡見於事於勢利之會又不求機以投合取顯以其
故終於館閣文藝之職而人之彼其澤者蓋歎嗚呼此
人之所以為公惜公之所以為公者如此而臣以此悼
公者也公一時之與交者若清河元明善東平王士熙
四明袁楠邑西鄧文原長沙文矩悉當世豪傑聲名之
士若臣者亦公之所厚故於公之碑得以盡臣之言焉
而非私也公以歿之明年正月八日庚申葬宣城縣射
亭鄉生田里之原享年六十有一母夫人李氏追封廣
陵郡夫人配張氏封寧國郡夫人追贈廣陵郡太夫人

子男二人師謙從仕郎集賢院照磨師恭由胄子試中
程授從仕郎太和州判官辟署江淞省掾曾女一人適
阮虛孫男三人高山奴吳山奴萊山奴孫女六人其所
著曰雲林小葉曰聽雷齋曰青山謔吟曰倦游集曰豫
章葉曰上元新錄曰南州紀行凡百有廿卷晚年粹擷
諸禮書為一家言未就而卒今師謙師恭皆孝弟純篤
緝學以世其家加之以磨礱灌養之功而不止其所至
方未艾也論次終始作為銘章豈特以榮貢氏以慰其
子孫以勸以侈以貽其鄉里哉將以昭聖天子褒優儒
臣之意以垂盛世之鴻懿也謹再拜稽首為銘以獻曰

貢氏來北肇自武德蓋其終歲其始未詳孰是又作從
光被南國有善自身乃開承節繼述偉其承有奕祕
書有子以文起仕奮跡太常旋書帝制有疑其容志眠
萬里大駟現辭綜綿經史始來玉壺騰聲其駕惟長左
右惟同在亞在側惟僚相頌歎訶公夷坦弗矜愈下
銓數再試士曰予歸讀卷廷中帝曰予依淮濟吳越四
周所覆公馬駢持幣奔走神欽公虔蕃祀以茂式久
在序侍從之班告疾歸止幾供于閑竹木以居南湖之
山公出公休鄉人頽康餘者粟與黨及隣屋藏有書
遺其後人素領丹頤墮馬以怡言咲在耳乃哭于帷維
公德善歿不見其窮維公所著傳不見其終有嘉二子
且用未極其從維儉于厥躬永也其鴻刻銘墓宮豎江
之東有萬子孫紹美于公

大元贈中奉大夫行中書省叅知政事張公神
道碑

公諱昂霄字雲卿姓張氏其先世居定州五代時晉高
祖割燕薊諸州賂契丹又徙真定民以實平營故今為
平州人金末擾亂世謀無所稽祖伯韶有文學不仕讀
書授徒為鄉人俎豆師生鑑為海山縣丞有惠政娶
聞士程冀鄉女有子三人長即公次冲霄仕平州酒稅

醋使以卒次平霄副鎮江丹陽酒醋稅務歿贈官從仕
郎保定路易州判官公力孝悌尚學術敦慎以睦宗族
子姓稱賴一作無有間言國初檄文臣詣都邑試士人
學中程者復其家公首以詞賦備選至元七年辟署平
灤路轉運司知事十年階前資提舉北京平準行用庫
克勤厲守成職一作較秩一作然有聲終更序績遷管勾濟
民鹽場顧子弟曰曲直有施而莫盡材予豈能僂仰中
哲匠繩度者而或予強也惠幼禮長著力食生知天德
自貴於物而行苟不忤人道殆其盡於茲已奚必仕而
為祭為得祿哉于是居閑益講詩書六藝之學置諸生

左右撫撥前閭分釐辨對俾達所趣內熙外易慥々眈
眈對客燕坐語及古今人物賢否事後成敗利鈍若冰
斷縷縝悉有左契每臨筆為文辭必緣情稽類不峭澀
艱遠而夷然有古作者風意歲時從容課僮僕治生業
往來里閭十有餘載無忿氣無慢容殆依々乎厚德君
子也以至元廿五年秋七月二十有四日考終于家享
年七十其年十月某日塋平州西苑家庶之原子男九
人長諱景卒海山縣酒稅醋使次諱某早世次諱昱同
蓋昌黎縣酒稅卒次名昇金奎章閣大學士資善大夫
為時名臣次名昆承務郎陝西等處儒學提舉次諱曇

少知好禮讀書日記數千百言弱冠為兵曹掾聞其師
滕司業卒中山謀請臨哭其喪例不許因棄掾得就哭
還金教務自多學記覽以博其用而不幸亦卒次名最
承直郎真定路藁城縣尹次諱晟既冠而逝次曰旦承
事郎遼陽行省照磨官女一人適士人劉源男孫凡十
有三人曰遂監安豐路霍丘縣酒稅曰琳學而未仕曰
山童天曰璵將仕郎章佩監知事曰琦從事郎隆鎮衛
千戶所知事曰琪甫冠卒曰仁童曰居安曰鯨川皆天
曰瓚國子生曰曉未冠卒曰珪曰琢幼而學魯孫男三
人曰紹安慈兒范陽玄孫男三人曰玄孫聞孫定孫皆
幼女五人長適周藍馬城縣務趙簡先卒次又適簡次
適還安趙蘇次適大寧楊誠次名賽未笄卒曾孫女二
人曰高曰順玄孫女一人幼未名恭定二年以公子昇
時官階二品例推恩二代鑑皇贈嘉議大夫禮部尚書
上輕車都尉追封北平郡公妻程氏追封北平郡夫人
公皇贈中奉大夫河南江址行中書省叅知政事護軍
追封北平郡公初娶白氏卒繼室故元帥龍德讓女宜
家訓子成其內助而先公十九年卒追封北平郡夫人
再娶夫人林後公二十年卒國制諸夫人當封者格止
一人昇以妻封讓後夫人龍氏得請亦追封北平郡夫

人咸稱其公之德也至順四年春集賢侍講學士昇以
狀屬其門生馬祖常祖常雖不獲拜公而辱公子昇知
最久跡其尹汝南焚禁書以全遺繫治越州忤權臣以
這民賦及敗應臺省則又有猷有為而公之流聲遺澤
可攷而知矣嗚呼燕營間山川磅礴壽積之交鍾而為
人者發舒凝蓄固有晦有明而豪傑現瑞之器世恒見
之豈不以其粟之厚歟公生當草昧之初能知讀書業
儒而躬不食其穀殆所謂粟之厚而未顯者也不然胡
寧公卒甫三十年而張氏之門躋膺仕紆章紱者克然
滿廷耶是豈特曰公之緒以知公又將驗夫燕營間靈
明之所鍾也迺為之銘曰

有燕營陣有鬱對平州藹其煇々孰涵以收張氏德門實
會其休主父伯韜肇茲善慶間闕以生乃起厥聞積厚
而微勅焉其奮寔生縣丞揮于惠政世濟其美伊自公
始既穀既官而屹其止曰熙曰勤以泚有子維德之徵
爰受多祉後五十年燁其有侈于公于侯遵豆承祀紱
冕車脹馮奕奕々昇也履之公實啟之有封馬鬣神安
居之本我法々迪尔後昆矢詩貞石式昭覃恩



馬石田文集卷第十二

碑誌

致仕禮部尚書邢公神道碑銘

恭定二年四月十四日致事禮部尚書邢公卒六月朔
葬于安陽度置之原越二年致和元年戊辰二月嗣子
溫毀瘠景然喪服持工部侍郎胡彛行狀告其友浚儀
馬祖常曰先考衣衾棺槨飭終之禮庶幾無悔溫不孝
惟是墓道之碑無文以昭之敬以是托於子焉按狀公
諱秉仁字守行父姬姓邢氏世居安陽契丹女真擾中
夏士族譜謀存者蓋寡故安陽邢氏始顯交口里大父



諱植不仕有陰德贈亞中大夫彰德路總管輕車都尉
追封河間郡侯大母李氏追封河間郡夫人父諱德裕
有政事材志不得奮發卒小官贈嘉議大夫上輕車都
尉追封河間郡侯母王氏追封河間郡夫人繼母郭氏
封河間郡太夫人弟四人曰秉義秉禮秉智秉信四人
皆後夫人郭氏出前夫人王氏獨生公一人兩世用是
貴得加封光華甚榮公起家辟署河南廉訪司曹屬進
御史府史又進丞相東曹掾滿攷授承務郎平江路推
官未上改承直郎濟南萊蕪等處鈇冶等提舉俄遷承
德郎江西行中書省左右司都事陞朝列大夫為太醫

院都事選充廣平彰德等處鈇冶都提舉官中議大夫
外臺各以名薦尋為撫州路總管加亞中大夫廣平路
總管凡十選以禮部尚書致事階承務郎至嘉議大夫
凡六轉出入中外率稱官守初提舉濟南諸冶賦民不
急逋逃復業都事江西行省婉書直辭贊叶上下議遣
官出廩米五十萬石賑貸屬州飢眾難之公請異日有
擅發罪秉仁願獨坐萬崑斷疑待舖以活者不可
拍數也都提舉廣平彰德等諸冶差戶程功礦火悉給
縮賈殖偵以科於農治辦為最總管撫州專使臨門賜
駟之官撫境地號戶部賦木綿織師民病非所產即令

輸直吏不得舞手取贖公私俱便之小旱禱輒雨歲連
大穰俗頗譁許未幾民恥健訟移廣平路教學者以雅
樂祠事先聖孔子立鄉校七百各有弟子師課樹桑億
萬計緣續用饒民有婦妬妻姪而以妻妻奴者夫死而
族入欲有其家訟不決廼以子生月逆計毋妻奴之時
得實其民遂有後闔郡號神明盜偽以小鈔貫文作大
鈔貫文加錢取鎔賂作然註誤七十人止以首坐勸醫
講皇帝越人書躬視惠民藥餌比去官民鮮夭死者賦
有寸帛之美立歸之主為政具有方畧要以惠恤元
為本既致仕益礪志讀書強記不怠字書多楷法尤工

古練有子二人長子溫山中書檢校官拜監察御史吏
部中書左司二郎中總管大名河間都轉運使丁公艱
家居次子簡門蔭補承事郎監大名路商稅夫人蕭氏
于氏附墓並建封河間郡夫人享年七十有六嗚呼行
聞于鄉政聞于時為子而上貴其親為父而乘裕于後
可謂完也已為善人者可不以邢氏為徵耶是宜銘白
爾車薄爾馬騶力驅我逐城時君子宅有繹爾蘇
有燕尔易母祀我松與萋時君子居若廣漠之明弗鈞
匪以傾若黃霸之惠弗飾矣以施時子有元之循吏孫
子奕時昌時新時善維古時規子貞刻

僉燕南河北道肅政廉訪司事趙公神道碑

相州安陽縣之趙氏有起郡縣為僉燕南河北道肅政廉訪司事以政者諱思恭以吏治見於世其葬在安陽之吳村原葬之三十一年有子天錫亦起憲府掾為監察御史乃始請刑部郎中蘇天爵狀其行拜而乞銘于後儀為祖常其序曰趙氏世家安陽金有徒磁之滎陽者諱崇文仕至禮部尚書別為滎陽趙氏其留安陽者族世遠不能譜公會祖諱德仁生溫仁生仁起家同知鈞州公鈞州之子尚書之從孫也少讀書通其理亂得失之大旨尤治刑名書律欲以其所為思一有所奮成名蹟于世當是時天下甫定權貴人多出功戰為士者寡公獨於問學辨說法制數度上下委折之微有足徵者年十九聲聞于鄉郡侯高鳴碑掾郡中稱其廉平以之貢中書刑部曹轉大司農掾其立志施事詳於利人而畧於便己以故一時名公卿咸禮譽焉至元十六年始官從事郎宣徽照磨管勾架閣未幾為主事尋陞經歷宣徽掌凡內饗外饗天子儲后侯王卿士食飲膳羞酒醴脯脩醢醬之共事素叢副公在職十年所為問義理何如不毫髮顧計絲毫索以叅核出內姦弊無以逞臺臣上公之材擢拜燕南河北提刑按察司判

官階承德郎居官號為辦治入拜監察御史時山北歲
凶公請亟發粟賑貸廷議檄公執行至則施民所宜便
曲調繼之賴以活者至萬數人其所論於上多同列所
不敢言者其已嘗言則不綴以言曰無撓法害治足矣
然排幸貴黨倭為獨切所言有以傲世者歲二月八日
京師迎佛解祠于城西流外諸司集與其後織染局使
儲晉華倚時相受賕公糾以法時相怒召公政事堂詰
曰國家歲祠佛以徼善利若獨沮不虔邪公具事質從
容論其罪時相為歎息許之俾治如律先是宰相以戶
曹金穀工曹興役簿書浸溢吏滋多不法請御史雜治

之公分治工曹蓋累月而後理或曰君敢為而能敏今
若此何滯緩也公笑曰是固人之所易能也而我則不
能且是舉也朝廷豈以為他亦曰慎財用黜冗節浮而
已今不深察其源委而苟簡以為之人雖以我能敏後
有不勝其弊者已而果用文吏覆覈無鈔銖舛衆始服
公識憲之周密也除大司農司經歷轉奉政大夫嘗與
其長議務農重本十事入陳上前上獨顧公令即施行
之廿八年詔改提刑按察為肅政廉訪司擢公兪河北
河南道肅政廉訪司事頃之移燕南河北至元貞之
間四海久平繩吏法寬縱吏相習為沉浮幸終更去或

按一吏則郡詆以刻暴職是事績不治而蔽日以及民矣公僉事兩道約其民以聽古靈陳氏之訓按其吏獨嚴法無所假恕聽其訟必詰折得其情所為者使自服訟以故少人以故無所寃其巡察都邑必躬率博士弟子負謁孔子庭升堂誦說導以禮治以故其所至不獨吏有所畏而民亦樂有勸焉其事親能得其歡其遇人和易質厚不為哇穽其處宗戚疏近有恩於其先世田廬獨取其硤弊而完饒者推以與諸弟姪於孫人之窮汲汲若有不獲自奉衣服飲食尤儉以約既老讀書不去手尤喜陸宣公奏議真文忠公大學衍義曰

是真臨官治民事君日益者故其獲為論議措之事為多為世所稱其嘗所慕好者魯齋許公靜脩劉公恚當世豪傑拔特之士其嘗所薦引若保定郭貫張仲實澄陽安祐洛水劉廣者後尤有聞于時其字仲敬其壽五十有八其歿以元貞二年十一月望日在大名之官舍其葬以是年十二月八日其妣張氏其配焦氏焦金世大家代有聞人後公廿五年歿壽八十合葬公墓其子男三人侃早卒天絳由御史大夫擢為瀾東廉訪司經歷拜江南行臺監察御史入拜監察御史清慎端慈為世名人天經補公廣主獲嘉縣簿調真寧錄事卒女二

人遠主簿王尉瀾西廡訪僉事傳汝礪其孫男三人曰
植天曰楫為江漸行省掾史曰楷讀書未仕孫女一人
適士子曾某嗚呼三代警宋末廩教養之制既壞人
不得成其材久矣漢以來時有赴功立事之會則材臣
辨士技謀知諛之人比蹟同世若恒有餘時或至用無
其會則往々瑰偉雄奇之人亦且無見於世蓋其窮既
委逸於草澤市里之中者豈少哉若公之材識器術及
其德善如此且當赴功立事之會嘗有位於朝而不得
極其志以駿暴於世抑豈非其命也夫然公歿而有子
為名御史嚮時用豈其碩大光顯又將在茲歟若公者
亦可謂特見自立之士矣銘諸石使知公之不次顯以
極其志也銘曰

時需厥人用或乖應適其會否能諧公躬智藝稱世材
發聞秋官耀中臺驅礪也域勅獨射端信度魁培厥哉
謂極其志迺中摧其生可嘉死足哀有懿孫子瑤與塊
殖是福祿公所開忠名孝績宜無涯噫乎公乎鬱余懷
山朝于騁下維隈刻碑高原始後來

勅賜贈參知政事胡觀公神道碑

皇帝御咸寧殿御史大夫臣某侍御史臣晉化奏言侍
御史臣曼服勞官常夙夜殫忠力以稱所使蒙陛下器

選為臺臣秩第二品得贈其父官中奉大夫職江淞等處行中書省叅知政事勛護軍爵魏郡公蓋所以慰寵胡氏以昭其先人之善者既鴻奕已臣竊將叙緝其家之望郡系世及其父祖妣之休聞實澤刻書于碑圖久不泯以侈陛下之賜以賁其鄉里以勸其後孫子於亡極憂惶惧未敢以聞惟陛下哀憐之制曰可乃勅臣祖常為製其辭臣昧死叙列以進曰胡氏遠出于舜周武王時有封於陳為舜後者曰胡公至春秋之世楚滅陳子孫轉徙因氏胡為肇姓其後仕於漢曰建曰廣者以勛名著應魏迄唐代有聞人金之末鄢陵之胡氏徙相

州之安陽縣公諱景先字彥明相州安陽人也少端默

有遠操內自備飾不求當世之譽樂其所守謂寔一作寔

作術術求榮不多於竭力以供子職枉已逐物不賢於隱

居以遂吾志故事親為學力田業生以終其世於富貴

寵炎未嘗動于意兄歿侍寡嫂岳尤盡禮畜其孤其如

己子里人有貸錢為本業子本相將至萬千數貧莫能

償主責之棘戶自經公捐貲與償之里人謝為券質公

許公火其券歲大侵出廩實以賑其鄉既匱又賣田繼

之至熟人將酬之不受隣有喪子弱貧無所有公為具

飯含衣被棺木以歛藏之恤其孥既長俾有家願備以

報不許盜有竊其牛羊者又竊所乘馬公知賊處一不問人嘗具饌奉公之肉一作食而甘之庖人問之曰燔能澤濡能燠味矣是適庖對以法上下釜皆新鑄合肉其中密其款頂跡加火焉公曰毋得釜損乎味于適而器于弊吾弗忍其平居恂恂恭謹遇人無戚疏豁然無機噎或欺罔之不以變春秋高矣出入閭里嘗却車馬不御與故人父老游或具几杖亦不扶以故鄉人皆德其善而嚮其莊不忍以字稱之尊之謂翁其長者語其子弟必教以公為法曰為人若胡翁足矣其歿也惇寡饑饉難亟患阨之人相值必曰胡公之亡俾吾無所控恃

政和元年二月六日方與親戚高會言笑如平時忽舉手謝客匡坐而歿得壽八十以其年五月十日葬安陽縣孝明村之原初封奉訓大夫載封朝請大夫同簽太常禮儀院事騎都尉安定郡伯進封翰林直學士亞中大夫輕車都尉安定郡侯累贈魏郡公夫人王氏亦鄜陵望族慈孝貞靜處親戚遠近長幼間盡其宜嚴饋祀親紉縫澣濯至老而無懈容事夫能成其志教子能成其材彝官于朝閭里以為夫人榮而卒不見其喜彝官題以貧匱不足於養為憂輒喜曰此吾所以教子也彝居魏公艱服起除拜陝西行臺治書御史辭就養夫人

止之曰侍西臺臨四省四憲朝廷以為重地且秦中歲饑是離豈義之急乎讓夷者而忘而父之訓耶後公三年六月六日卒祔公墓累贈魏郡夫人臣嘗銘其孺子一人曰彛由丞相掾起家為工部主事官十轉為中奉大夫職十有二遷為侍御史曰規兵部曹女三人適鄭某王某李其皆士族孫二人敬伯侍儀舍人柏壽尚幼孫女二人適大司農侯公孫某樊某臣嘗聞彛為河南行省左右司負外郎時河南大饑使告發廩者如繹省臣以格未即許彛時代判省饋迺專發米三十二萬石所活五十餘萬人其為河西隴右僉憲隴右地極邊吏往關畧乾沒無所顧彛按撫繩姦賊墨坐者十有一人釋濫繫者八人沒贓四百五十萬緡其為右司都事有以西域僧卜兆言釋重囚以解除者中貴人傳旨引富人子嘗死者至內廷將脫械彛白宰相置之獄其為御史為負外郎左司所言於上悉同案所不能且不敢言者臨事裁決引大懼畧細故矯無所屈又聞其為尚書戶部也天子入正大統故典親王宗臣庶官衛士錫予之數為金幣穀幣以萬計時浹月間舉故典者再執事者請括金民間以充用時廷臣多是其議彛獨以為不便乃稽諸內府之隱覈郡縣上供之實與內帑

歲積之羨不給則令益高入銀以准幣大朝會遂無闕
事臣補官御史中丞知經筵事嘗與彞同署又見其闡
翼憲紀糾繩官寮入侍講幄考質經義究觀前世之變
而至夫理亂興壞之際必委悉焉此彞之事臣得之于
目觀者士論咸以誦彞而彞之語臣必曰魏公之教不
敢忘嘻觀彞之事而質以其言蓋可以知公矣考諫用
璋踈達明信不肯為自欺以德行化其鄉曲隣有棗樹
秋歲實積墜舍傍地命左右拾以歸其主與人交不矯
矯以異亦不翕翕以同以故人莫能親踈之居嘗自號
曰陶然翁嘗語公謂胡氏之先世大業有緼德未幾當

後有食其報者至彞果顯用為賢臣妣祝氏脩身理家
有懿則其智識德量過人遠甚畜馬有夜盲者僮擅面
謗市人取直以媚夫人還還其直且謝曰僮不以實言
而輒汝給吾不忍也以彞貴皇贈嘉議大夫吏部尚書
上輕車都尉魏郡侯祝氏魏郡夫人嘻觀公考妣之事
而徵以公之善尤足以知公世德之遠哉初吏部與其
舅第起鄢陵提家北絕河來相舅舅弟皆還鄢陵而吏部
獨考室於相焉其先嘗繼為宋金顯官而天興剽奪之
餘雖鄢陵葬有塋有碑石剝泐文不可識故其世莫
得而詳然胡氏陳胡公之後於陳氏國分姓也昔漢陳

太丘之仁鬱抑于當世而紀謀群貴顯者數世豈秦魏
公之先既有榮名而子孫逢時不祥又有賢善悔德如
太丘者乎不者何後世之碩大蕃興若是臣又知彛之
孫子貴顯尚未艾也臣奉詔以國子博士臣沂原大敷
懿之狀考公子之所履以求公之世而得公之言行如
此于是謹為之銘曰

周有胡公賓玉纘聖陳墟姓別昉氏安定曰建曰廣漢
樹頭聞亦有威奮蜚聲魏晉彌宋涉唐代奕其馭子孫
世食占徙靡常既又益振柳一作阨載遷安陽維安陽里其
承有煒吏部之孫魏公之子謙儀侃侃稱天子使天子

曰嗟彛侍御史王協于極邦肅于紀咨子爾嘉懋正厥
事彛拜稽首臣昔筮仕左右致養以官詔侍天子之仁
既多受社臣罪不穀失我怙恃帝閔臣孤賚之慶馳有
爵有官秩躋第二生則孔榮歿顯亦熾維昔魏公殖善
弗匱備樂孝養亦又多譽發祥在彛實興佐時維皇好
德是緝公熙肆厚厥有乃永其貽繩々徹似勿替承之
鄢陵之野既封既樹相城址西亦有新墓帝錫之碑昌
此文壽百世其地庸勗爾曹

安定夫人王氏墓誌銘

夫人王氏故贈翰林直學士安定郡侯胡公諱某之夫

人陝西諸道御史行臺治書侍御史彞之母也世為浚都鄆陵人父諱貞伯始宅安陽兄諱毅由地官屬出主襄陽穀城二縣簿夫人在父母家時雖鍾愛于其親而食與衣常後於兄嫂及歸胡氏事安定公持婦道終其身無懈容親紡績組紉之工弗好世之侈靡華飾以儉以勤相安定公家政卒能有成慈睦仁祥族姻比之夫人有子二人長即治書次規業儒山東憲府辟署書吏補典寶監令史治書甫壯夫人謂安定公曰是兒資穎悟可令早就學也遂求經師諱先王禮樂詩書之義善屬文未冠令譽日著起家為大都路儒學錄大都四方

髦俊輻輳於是治書學益碩大名益光顯矣省臺交薦于上應監察御史右司都事左司員外郎工部侍郎丁安定公艱吉服浹月即拜今官使者及門致禮意敦請治書以侍夫人榮養為婢夫人曰兒來前吾有訓汝承吾志吾逮事舅姑汝先考及我教汝胡氏之宗事其在汝乎今國家命汝為臺臣西南四省四憲府之評議屬之汝其速行毋以我養為辭焉治書上事半月夫人訃至徒御不戒號泣東出及安陽喪次銜哀具書告其友馬祖常曰曩不孝先妣安定郡夫人以至順元年六月六日卒將以七月三日附葬於先考安定郡侯之墓里

人杜愚為之狀矣請吾友為埋銘以刻之嗚呼人之生
有男女焉幸而為男子或有所樹立於世則不與百物
俱盡幸而為男子矣無所樹立使人惡之惟恐其久生
而何死之恤也夫人女子也為女而能賢為婦而能孝
為母而能慈從其夫子有官有封其所樹立殆過男子
矣宜乎富貴壽攷享厚生之福也歟祖常與治書同學
古文使為銘義不讓迺銘而後諸來者銘曰

在相安陽有貞慈母啓封湯沐賦安定畝煒其輝光夫
人象服柔嘉有儀百麗于福少也稚弱玉節閨房歸於
夫家組紉含章教子俎豆不繫于迂弗離其全而人咸
夫詩書禮樂六藝之師起其施居其孜迺成治書
懋官臺臣又成典寶克昌克演克昌克寅亦既多淑善
後無疑譬彼種桂我稼則穫且痔錢鏹洄泉出山紆流
相西鬱柏松蒼蔚之隣允矣安定幽宮是域夫人祔
之協其龜食孫子爰殖我銘不泐

故榮祿大夫大司農卿郝公墓誌銘

公諱某字景文朔州信安人也弱冠起家給事裕皇邸
以才知名至元二十年擢揚州路治中二十二年遷同
知淮西道宣尉司事又遷江淮等處財賦總管江淮使
牘有令察司不按劾公受命陞辭懇請許察司按劾財

賦吏贖然後臣敢行詔獎喻而從之未幾丁太夫人艱
扶柩歸塋斬衰哭泣居墓廬哀毀過常制近臣以聞成
廟遣使賜品食憫勞焉縉紳大夫咸榮義之服除會兩
淮鹽法壞吏因緣大賈相為奸田畝單弱操錢售不得
食益益翔貴州縣上狀詔公行戶部尚書乘傳往治既
至督淮南轉運司漕輓廩鹽之在官者輸倉氏主之閱
其書之次以為先後販者不得賄吏破其囊橐均利于
衆大德八年正授工部尚書改戶部尚書至大元年拜
中書叅知政事二年遷尚書叅知政事階榮祿大夫公
固諱不允乃就職歲餘以疾力辭杜門家居後中書省

臣果有罪伏辜公愈以能退自喜獨雍容灌園種樹無
資則持器物鬻之八年履跡不過中門游從之士已知
其無志於一世矣屬延祐天子思用有經術之臣命中
書即家起公為大司農卿間又病免上以侍醫視藥存
問公雖病猶以國憂而其言語未嘗及其私也延祐七
年三月十一日終于所居之正寢享年六十有二公祖
某贈資德大夫尚書右丞謚康靖考其贈榮祿大夫司
徒謚孝懿並追贈前國公祖妣賈氏妣弭氏並追封前
國夫人夫人李氏先公十年卒男子二人長曰升次曰
謙早世女子二人皆幼嫂郝氏出太原郝鄉所謂以鄉

為氏者也其世之或仕或學列于史官者尚矣然以才
諳選進而為股肱之臣者幾何人哉進而為股肱施替一作贊
襄其謀畫者又幾何人哉則郝氏之世自公尤顯矣公少俊偉懷
慨能國語長傳通古今經世之學發用之應驗如占筮稽攷
先王宗廟朝廷鐘鼎款識旁及百家之書而親愛族黨撫摩
其孤者又純篤無偽嗚呼書傳所傳愷悌大雅之君子舍公其
誰歟今已矣悲夫其子升將以是月二十一日葬公於都城西
山之麓之原祖常知公實深敢不哭而為銘曰

雲為雨星為石星石何由名不數嗚呼善人保宅安

馬石田文集卷第十二